



### **Inatsisartut ataatsimiititaliaat:**

1. Ilaqutariinnermut Peqqissutsimullu Ataatsimiititaliaq
2. Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaq
3. Aalisarnermut, Piniarnermut Nunalerinermullu Ataatsimiititaliaq
4. Inuussutissarsiornermut Ataatsimiititaliaq
5. Aatsitassanut Ataatsimiititaliaq
6. Sanaartornermut Ataatsimiititaliaq
7. Eqqissisimatitsinermut Avatangiisinullu Ataatsimiititaliaq
8. Nunanut Allanut Sillimaniarnermullu Ataatsimiititaliaq
9. Inatsisinut Ataatsimiititaliaq

Ulloq 12. september 2013  
Sags.nr.: 01.31.11-00013

### **Naalackersuisut 2014-mi aningaasanut inatsisissatut siunnersuutaat (AIS 2014)**

#### **1. Aallaqqaasiut**

Naalackersuisut 2014-mi aningaasanut inatsisissatut siunnersuutaat augustip qiteqqunnerani tamanut saqqummiunneqarpoq. Aningaasaqarnermut Ataatsimiititaliap augustip naalernerani 2013-imi missingersuutit pillugit isumasioqatigiinnermini siunnersuut suliaraa.

Ataatsimiititaliat susassaqtut suliassat annertuumik aningaasatigut soqutiginaatillit naliliivigineqartarnerini akuutinneqarnissaat Aningaasaqarnermut Ataatsimiititaliap assut pingaartittarpa.

Taamatuttaa q ukiumoortumik aningaasanut inatsisissat naliliivigineqarneranni ataatsimiititaliat susassaqtut taperseeqataanissamut aamma periarfissaqarnissaat pingaaruteqarpoq, tamatumani mi ukiumi tullermi aningaasat ukiuata atuuffiani ukiunilu missingersuusiorfinni nunatta karsia aqqu-tigalugu aningaasaliissutissat ataatsimoortumik tulleriiaariffigineqartarmata. Aallarniutigaluguli ma-luginiaqquneqassaaq ataatsimiititaliap suliassaqarfiata iluani aningaasartuutaanerussutissanik ka-ammattuuteqarnissaq siuarsaanissarlunniit Aningaasaqarnermut Akileraartarnermullu Ataatsimii-titaliamit periarfissaqarfineqanngimmat, tassa tamatum peqatigisaanik tamakkiisumik aningaa-salersuutissatut siunnersuutiniq ataatsimiititaliap saqqummiussinngippat.

Tamanna siunertaralugu allakkiaq una nassiunneqarpoq.

#### **2. Aningaasaqarnermut Akileraartarnermullu Ataatsimiititaliap 2014-mi aningaasanut inatsisissatut siunnersuummik misissuina**

Aningaasanut inatsisissatut siunnersuummi pingaarnertut anguniakkanut isummernissaq Anin-gaasaqarnermut Akileraartarnermullu Ataatsimiititaliap misissuinermini aningaasanut inatsisissatut siunnersuutit ilaatigut piumasaqaatit makku tunngavigalugit naliliiviginissaa pingaartippaa:

- a. Suliniutit nutaat
- b. Missingersuutiniq allannguinerit annertuut
- c. Amigaatit annertuut
- d. Immikkoortuni atuivallaarfiusimasuni iliutsit
- e. Naammassineqanngitsut.



## INATSIARTUT

Aningaasanut inatsisissatut siunnersuummik misissuinini tunngavigalugu Naalackersuisunut apeq-qutinik Aningaasaqarnermut Ataatsimiititaliaq saqqummiussissaaq.

### 3. Aningaasanut inatsisissatut siunnersuutip katitigaanera

2014-mi aningaasanut inatsisissatut siunnersuut inatsisissatut siunnersuuterpiamik aamma

- ilanngussaq 1-imik, aningaasaliissutitut takussutissiaasunik aamma
- ilanngussaq 2-mik, oqaasertaliussanik *oqaasertaliussanullu atasunik nassuiaatinik* katitigaavoq.

#### Tamatuma saniatigut ilaapput

- nalinginnaasumik nassuiaatit aamma
- takussutissiat.

Kiisalu ilaapput ilanngussaq 1-imi aningaasaliissutitut tunngatillugu *missingersuutitut ilanngussat*.

### 4. Ataatsimiititaliat susassaqtut naliliinerat tulleriinnilersuinerallu

Ataatsimiititaliat susassaqtut namminneq susassaqarfimminnut tunngatillugu aningaasaleeriaatsit assigiinngitsut tamaasa eqqarsaatigalugit aningaasaliissutissatut siunnersuutit aammalu oqaasertaliussassatut siunnersuutit sukumiisumik misissornissaat qulakkeertariaqarpaat.

Ataatsimiititalianit naliliivigineqartariaqarpoq

- suliassat pingaarutillit missingersuusiorfigineqarsimanersut aammalu
- aningaasat suliassanut ilaatillugit sularineqartussat akornanni naapertuuttumik agguataarneqarsimanersut. Tassunga atatillugu ataatsimiititalianittaaq eqqumaffigineqartariaqarpoq 2013-imi aningaasanut inatsimmut sanilliullugu qanoq annertutigisumik allanngortitsisoqarsimanersaq.

#### 4.1 Ingerlatsinermut aningaasartuutit

Tamatuma kingorna *ingerlatsinermut aningaasaliissutitut* aamma *tapiissutitut aningaasaliissutitut* ataatsimoortumik aningaasartuutissatut Naalackersuisut tulleriinnilersuutissatut siunnersuutigisaannit allaanerusumik tulleriinnilersuisoqarnissaanik siunnersuutegar-nissamut ataatsimiititaliat pissutissaqarsorigunik qinnuigineqarput tamanna pillugu siunnersuummik erseqqinnerusumik tunngavilersukkamik Aningaasaqarnermut Ataatsimiititaliamut nassiusseqqullugit. Taamaaliortoqassappat tamatumunnga erseqqilluinnartumik piumasagaataavoq ingerlatsinermut tapiissutitullu aningaasaliissutitut ataatsimoortumik aningaasartuutissatut atugassarititaasut iluanni allatut tulleriinnilersuinissamik sipaaruteqarnissamilluunniit siunnersuutip kinguneqarnissaa.

#### 4.2 Sanaartornermut aningaasaliissutit

Aningaasaleeriaatsip taassuma iluani sanaartugassanut aningaasaliissutit akornanni allatut tulleriinnilersuisoqarnissaa siunnersuutigineqarsinnaavoq.

#### 4.3 Nalinginnaasumik nassuiaatit oqaasertaliussallu

Ataatsimiititaliat susassaqtut aamma naliliivigisariaqarpaat *nalinginnaasumik nassuiaatit* aammalu ataatsimiititaliap susassaqarfiata iluani *oqaasertaliussassatut* siunnersuutigineqartut oqaaseqarfiginissaat pisariaqarneraq. Matumani immikkut malugeqquneqarpoq oqaasertaliussat inatsisip oqaasertaatut atuummata, taamaattumillu inatsisiliornermut nalinginnaasumut atatillugu atuutsitsinnginnissamik imaqarsinnaallutik.



## INATSIARTUT

Aningaasaqarnermut Akileraartarnermullu Ataatsimiititaliaq ataatsimiititaliap suulluunniit susassaqaafiata iluani aningaasartuuteqarnerunissamik kaammattuuteqarsinnaangilaq, tamanna tamatuma peqatigisaanik aningaasalersuinissamut siunnersuummik ilaqartinneqanngippat.

### 5. Ataatsimiititaliat eqqarsaatigalugit aningaasanut inatsisissatut siunnersuutip agguataagaanera

Aningaasanut inatsisissatut siunnersuummi kontoqarfiit ataasiakkaat ataatsimiititalianut susassaqartunut ima agguataarneqarsinnaasutut isigineqarput:

Inatsisinut Ataatsimiititaliaq      Kontut pingaarnerit 10.01.01, 20.01.01, 20.01.06, 20.01.07, 20.05.34 20.05.35-lu

Nunanut Allanut Sillimaniarnermullu Ataatsimiititaliaq  
siunertamut konto 10.19 aamma suliassaqaarfik 12

Ilaqutariinnermut Peqqissutsimullu Ataatsimiititaliaq  
suliassaqaarfik 30 34-ilu aamma siunertanut kontut 83.30  
aamma 86.60.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq  
suliassaqaarfik 40 aamma siunertamut konto 84.

Aalisarnermut, Piniarnermut Nunalerinerimullu Ataatsimiititaliaq  
suliassaqaarfik 50 51-ilu

Inuussutissarsiornermut Ataatsimiititaliaq  
siunertanut kontut 10.13, 20.12, 62.30, suliassaqaarfik 64  
aamma konto pingaarneq 87.00.88.

Aatsitassanut Ataatsimiititaliaq      konto pingaarneq 64.01.01-ip ilaa, suliassaqaarfik 66

Sanaartornermut Ataatsimiititaliaq  
suliassaqaarfik 35, 70, 72, 73, 87 aamma 89 kiisalu siunertanut  
kontut 77.01, 77.05 aamma 80.00.

Eqqissisimatitsinerimut - Avatangiisinullu Ataatsimiititaliaq  
suliassaqaarfik 77.

### 6. Sipaaruteqarnissamut periarfissat?

Allakkani ukunani piffinni arlalinni takuneqarsinnaasutut aningaasalersuinissamut siunnersuutininik peqatigisaanik ataatsimiititaliaq saqqummiussisimangippat ataatsimiititaliap suliassaqaafiata iluani aningaasartuuteqarnerunissamik kaammattuuteqarnissamut Aningaasaqarnermut Akileraartarner-



## INATSISARTUT

mullu Ataatsimiititaliaq periarfissaqanngilaq. Sipaarutissalli atugassiissutigineqarnissaannut peqatigisaanik siunnersuuteqanngikkaluarluni sipaarutissanut siunnersuusiornissamut ataatsimiititaliaq susassaqtut tamatuma tunuarsimaartissanngilai.

Ataatsimiititaliaq susassaqtut siunertanut ingerlatanullu suliassaqarfimminni ataasiakkaani aningaasaliissutinik aningaasartuutinillu immikkut ilisimasaqarmata Aningaasaqarnermut Akileraartarnermullu Ataatsimiititaliaq naliliivoq ataatsimiititaliaq susassaqtut suliassaqarfimmik iluini sipaarutissatut atorluarneqarnerpaasunik aamma siunnersuuteqarsinnaasut.

Ataatsimiititaliaq susassaqtut periarfissaq tamanna atorluaqqullugu aammalu aningaasaliissutit ikilineqarnissaannut siunnersuutinik saqqummiusseqqullugit Aningaasaqarnermut Akileraartarnermullu Ataatsimiititaliamit kaammattorneqassapput.

### 7. Ataatsimiititaliaq susassaqtut akissuteqarnissaat

Ataatsimiititaliaq aningaasanut inatsisissatut siunnersuummik misissuinertik tunngavigalugu akissuteqarnissaat Aningaasaqarnermut Akileraartarnermullu Ataatsimiititaliap ukiut siuliini qinnutigisarsimavaa. Akissuteqaatit Aningaasaqarnermut Akileraartarnermullu Ataatsimiititaliamut ataatsimut isigalugu iluaqutaasarsimapput, ataatsimiititaliali aammalu Aningaasaqarnermut Akileraartarnermullu Ataatsimiititaliaq naalackersuinikkut ingerlatsiveqarfinnut assigiinngitsunut assigiikannersunik apeqquteqarsimappata tamatuma kingunerisinnaasarlugu marloqiusamik sulisoqarsinnaasarnera.

Taamaattumik aningaasanut inatsisissatut siunnersuut pillugu Naalackersuisunut Aningaasaqarnermut Akileraartarnermullu Ataatsimiititaliap apeqquteqaataasa assilineranik allakkiamut matumunnga ilanngunneqartumik ataatsimiititaliaq tigusaqassapput. Naalackersuisut akissutaat tigunegariarpata taakku assilinerat aamma nassiuqqarumaarpoq. Taamaaliornikkut ataatsimiititaliaq apeqqutinik oqaaseqaatinilluunniit Aningaasaqarnermut Akileraartarnermullu Ataatsimiititaliamit saqqummiunneqareersunik saqqummiussisariaqannginnissaat Aningaasaqarnermut Ataatsimiititaliamit kissaatigineqarpoq.

Kiisalu ataatsimiititaliaq **kingusinnerpaamik ulloq 27. september 2013-imi** akissuteqareersimanissaat Aningaasaqarnermut Akileraartarnermullu Ataatsimiititaliamit qinnutigineqarpoq.

Inussiarnersumik inuulluaqqusillunga



Finn Karlsen

Aningaasaqarnermut Akileraartarnermullu Ataatsimiititaliap siulittaasua

Assinga: Kukkunersiuinermut Ataatsimiititaliaq